

正篇曰針灸之法有太乙人神周身血忌逐年尻神逐日人神  
而其穴有禁針禁灸之論犯者其病難瘳理固然也但瘡瘍  
氣血已傷肌肉已壞急宜迎而奪之順而取之非平人針灸  
之比何忌之有外科精義云瘡瘍之證毒氣無從而解膿瘀  
無從而泄反攻於內內既消敗欲望其生豈可得乎危惡之  
證發於致命之所禍在反掌腹癰囊癰二便不通胸腹脹悶  
唇疔喉痹咽喉腫塞其禍尤速患者審之

鄰人蘇子遇之內左手指患疔麻痒寒熱惡心左半體皆麻脉  
數不時見余曰凡瘡不宜不痛不宜大痛煩悶者不治今作

麻痒尤其惡也用奪命丹二服不應又用解毒之劑麻痒始去乃作腫痛余曰勢雖危所喜作痛但毒氣無從而泄欲使之適值望日其家俱言鬼神不從勢愈腫甚余強針之諸證頓退又用解毒之劑其瘡乃愈

薛按

圍藥

十五

內經云五臟不和則七竅不通六府不和則留結爲癰又云形傷痛氣傷腫此以臟腑不和而瘡發於外也明矣若塗貼寒涼豈能調和臟腑宣通氣血耶○若其腫痛熱渴脉滑數而有力證屬純陽者宜內用濟陰湯外用抑陽散則熱毒自解

瘀滯自散○若似腫非腫似痛非痛似潰不潰似赤不赤脈  
洪數而無力屬半陰半陽者宜內用沖和湯外用陰陽散則  
氣血自和瘀滯自消○若微腫微痛或色黯不痛或堅硬不  
潰脈雖洪大按之微細軟弱屬純陰者宜內服回陽湯外敷  
抑陰散則脾胃自健陽氣自回也○丹溪曰敷貼之劑應酬  
輕小熱證耳若不辨其陰證陽證之所由分而妄敷寒涼之  
劑則迷塞腠理凝滯氣血毒反內攻而肉反死矣况運氣得  
寒則不健瘀血得寒則不散敗肉得寒則不潰新肉得寒則  
不生治者審焉

見外科樞要

立齋曰大抵瘡之起發潰斂皆血氣使然各人元氣虛實不同  
有不能發出而死者有發出不能成膿而死者有成膿不能  
腐潰而死者有腐潰不能收斂而死者敷貼之法但可應酬  
輕小之證耳若血氣已竭其患必死不但敷貼不效且氣血  
喜溫而惡寒腠理喜通而惡塞氣血因而愈滯腫患因而愈  
盛邪氣因而愈深腐潰因而愈大怯弱之人取收多矣况瘡  
瘍乃七情相火或食膏粱或餌金石以傷陰血陽盛陰虛受  
病於內而發於外若不別氣分血分陰陽虛實腐潰淺深卽  
服藥尙有不能保生者可敷貼而已乎

施二守項右患一核用涼藥敷貼頸皆腫又敷之腫胤胸腋冷  
應腹內不悟涼藥所致尙以爲毒盛形體困憊自分不起延  
余治之見其敷藥處熱氣如霧急令去藥良久大瘡色變赤刺  
出膿血用托裏藥而愈○張侍御發背專用敷藥瘡黯不起  
胸膈悶氣不能呼吸自分不治余用辛溫托裏藥而愈○一  
男子臀癰腐潰肌肉不生用藥敷之肌肉四沿反硬予診之  
脈澁而弱此氣血俱虛不能營於患處故敷涼藥反硬乃血  
氣受寒凝結而非毒也用大補藥而愈○一男子患胸疽腫  
高作痛腫處敷藥痛雖止而色變黯腫外作痛仍敷之肉色

亦黯喉內作痛不悟此爲涼藥所誤反盡頸敷之其頸皆潰而死○一男子因怒左脇腫一塊不作痛脈瀉而浮余曰此肝經邪火熾盛而真氣不足爲患宜培養血氣爲主彼以草藥敷貼遂致不救○王安人發背正潰時欲速效敷以草藥卽日而死○張宜人年踰六十患發背三日肉色不變頭如粟許肩背腫脈洪數寒熱飲冷予以人參敗毒散二劑及隔蒜灸五十餘壯毒大發背始輕再用托裏藥漸潰因血氣虛甚而作渴用參芪歸熟等藥而渴亦止彼欲速效乃自用草

藥罨患處毒氣復入遂不救

薛按

凡癰瘍腫痛宜用圍藥敷治者惟降癰散爲第一無論陰毒陽毒皆所宜也

腐肉 十六

齊德之曰夫瘡瘍生於外皆由積熱蘊於內內經謂血熱肉敗榮衛不行必將爲膿留於節腠必將爲敗蓋瘡疽膿潰之時頭小未破瘡口未開或毒氣未出疼痛難忍所以立追蝕腐潰之法使毒氣外泄而不內攻惡肉易去好肉易生也若紙其瘡而血出不止者則未可紙於瘡上搽追蝕之藥待其熟可紙方紙若紙其瘡而痛應心根者亦不可強紙之誤觸其

瘡焮痛必倍變證不無不可不慎也若瘡癰膿成未破於上  
薄皮剝起者卽當用破頭代針之劑安其上以膏貼之膿出  
之後用搜膿化毒之藥取效如神矣若膿血未盡便用生肌  
歛瘡之劑欲其早愈殊不知惡肉未盡其瘡早合後必再發  
不可不慎也

立齋曰瘡癰之證膿成者當辨其生熟淺深肉死者當驗其腐  
潰連脫余嘗治脉證虛弱者用托裏之藥則氣血壯而肉不  
死脉證實熱者用清熱之劑則毒氣退而肉自生凡瘡聚於  
筋骨之間肌肉之內皆因血氣虛弱用十全大補湯壯其脾

胃則未成者自散已成者自潰又何死肉之有若不大痛或  
大痛或不赤或內膿不潰或外肉不癢乃血氣虛弱宜用桑  
枝灸及十全大補加薑桂壯其陽氣則四畔卽消瘡頭卽腐  
其毒自解又何待於針割若脾胃虛弱飲食少思用六君倍  
加白朮壯其營氣則肌肉受毒者自潰已死者自活已潰者  
自斂若初起或因尅伐或犯房事以致色黯而不痛者乃陽  
氣脫陷變爲陰證也急用參附湯溫補回陽亦有可生○又  
曰夫腐肉者惡肉也大凡癰疽瘡腫潰後若有腐肉凝滯者  
必取之乃推陳致新之意若壯者筋骨強盛氣血克溢真能

勝邪或自去或自平不能爲害若年高怯弱之人血脈少肌  
肉澁必迎而奪之順而取之是謂定禍亂以致太平設或留  
而不去則有爛筋腐肉之患如劉大尹汪夫人取之及時而  
新肉卽生得以全愈金工部鄭揮使取之失期大潰而斃予  
嘗見腐肉旣去雖少壯者不補其氣血尙不能收斂若怯弱  
者不取惡肉不補血氣未見其生也故古人曰壞肉惡於狼  
虎毒於蜂蠆緩去之則戕賊性命信哉○又曰瘡瘍之證若  
毒氣已結腫赤熾盛中央肉死黯黑者內用托裏健脾之劑  
外用烏金膏塗之則黯處漸低赤處漸起至六七日間赤黯

之界自有裂紋如刀劃狀其黑漸潰若用鉞針利剪徐去猶  
好須使不知疼痛不見鮮血爲善若膿未流利宜用針於紋  
中引之若膿水已出腫痛仍作乃內筋間隔亦用針引之若  
元氣虛弱誤服尅伐之劑患處不痛或肉死不潰者急溫補  
脾胃亦有復生者後須純補脾胃庶能收斂此則不可妄用  
針刀若誤用之以去肉出血使陽隨陰散是速其危也

一論外通用方

鉞頭散

外一四四

去腐管

代鉞膏

外一四五

潰頭

透骨丹

外一四三

潰頭

豬蹄湯

外一二五

洗腐

合時從證 十七

立齋曰經云諸痛痒瘡皆屬於心若腫赤煩躁發熱大痛飲冷  
便秘作渴脉洪數實者爲純陽雖在嚴冬之時必用大苦寒  
之劑以瀉熱毒若不腫不痛脉細皮寒瀉利腸鳴飲或不入  
嘔吐無時手足厥冷是爲純陰雖在盛暑之時必用大辛溫  
熱之劑以助陽氣不拘嚴寒盛暑但當合時從證若微腫微  
痛似潰不潰時出清膿者爲半陰半陽宜用辛熱之劑避補  
胃氣此亦治陰陽法也經曰用寒遠寒用熱遠熱有假者反  
之雖違其時必從其證若執常法無不誤矣○壬午仲冬金

臺一男子患腹痛誤服乾薑理中丸卽時口鼻出血煩躁發  
狂入井而死○辛卯冬一吏患傷寒誤服附子藥一鐘下咽  
發躁奔走跌死○夫盛暑之際附子薑桂三藥益用速進三  
劑無事嚴冬時令三藥單用一味止進一劑者卽死可見  
羅謙甫先生有舍時從證權宜用藥之妙余宗此法凡冬間  
陰證如脈沉實洪數大便秘澀煩痛煩躁或飲冷不絕者卽  
用消黃苓連之劑攻之雖在夏令而脈見虛弱或浮大瘡不  
潰膿清稀惡寒飲者卽用薑桂參芪之劑補之如脈見沉實  
瘡不潰不痛作呃逆手足冷大便不實或瀉利或腹痛更加

附子皆獲大效昧者反以爲非惑亂患人恪守常法必使冬  
用溫熱夏用清涼以致誤人深可哀也

薛按

至元壬午五月二十八日王伯祿年逾五旬有七右臂膊腫甚  
上至肩下至手指色變皮膚涼六脉沉細而微此乃脉證俱  
寒余舉瘍醫孫彥和視之曰此乃附骨癰開發已遲以烙針  
啟之膿清稀解次日肘下再開之加吃逆不能彥和與丁香  
柿蒂散兩劑稍緩次日吃逆尤甚自利臍腹冷痛腹滿飲食  
減少時發昏潰於左乳下黑盡處灸二十七壯又處托裏溫中

湯用乾薑附子木香沉香茴香羌活等藥咬咀一兩半欲與

服或者曰諸痛痒瘡湯皆屬心火又當盛暑之時用乾薑附  
子可乎予應之曰埋所當然不得不然內經曰脈細皮寒瀉  
利前後飲食不入此謂五虛况吃逆者胃中虛寒故也諸痛  
痒瘡瘍皆屬心火是言其定理也此證內外相反須當合時  
從證非大方辛熱之劑急治之則不能愈也遂投之諸證悉  
去飲食倍進瘡勢溫膿色正赤和復用五香湯數服後月餘  
平復噫守常者衆人之見知變者知者之能知常不知變因  
細事而取敗者亦多矣况乎醫哉

見羅氏衛生寶鑑

愚意羅先生以合時從證之法垂訓後人誠百世不磨之要

也但時之遷變本所難知而證之幽顯尤不易識何也蓋常人之所謂時者春夏秋冬之時也歲歲時常之主氣也誰不得而知之而不知五六周環則長夏有寒溼之令三冬有炎暑之權此則雖若合時而實以從時昧者固能知此乎又如察證之法則凡脉細皮寒泄瀉厥冷之類是皆已見之寒證也又誰不得而知之不知其來有源其甚有漸卽諸證未見之前而本來已具此際便難錯認使必待焦頭爛額而後曲突徙薪則已晚矣此羅先生之所以明已然而余則更爲慮未然蓋恐人之見之遲而無及於事也雖然余常見今人之

於已然者尙不能見而徇欲其見未然誠哉迂矣然余慨然  
之念則不能不遵其詳而深望於知音者

陽氣脫陷

十八

立齋日瘡瘍陽氣脫陷或因尅伐之劑或因膿血大泄或因吐  
瀉之後或因誤以入房大凡潰後勞後元氣虧損或夢遺精  
脫或脈數便血或外邪乘虛而入以致發熱頭痛小便淋瀝  
或目赤煩喘氣短頭暈體倦熱渴意欲飲水投水身熱增寒  
惡衣傷手擲足腰背反張鄭聲自汗脈浮洪大此無根虛火  
之假熱證也若畏寒頭痛欬逆嘔吐耳曠日矇小便自遺瀉

利腸鳴裏急腹痛玉莖短縮齒牙浮痛肢體麻痺冷汗時出  
或厥冷身痛咬舌嚙唇舌本強硬呃逆喘促脉微沉細此陽  
氣脫陷之真寒證也凡此危候無論脉證但見有一二急用  
參附湯或用托裏消毒散去連翹白芷金銀花三味急加桂  
附大劑補之多有復生者

山陽楊舉湖孟夏患背疽服尅伐之劑二旬餘矣漫腫堅硬重  
如負石隔蒜灸五十餘壯背遂輕以六君加砂仁二劑涎沫  
涌出飲食愈少此脾虛陽氣脫陷也劑用溫補反嘔不食仍

用前藥作大劑加附子薑桂又不應遂以參芪各一觔歸朮

陳皮各半觔附子一兩煎服三日而盡流涎頓止腐肉頓潰  
飲食頓進再用薑桂等藥托裏健脾腐脫而瘡愈矣○少參  
史南湖之內夏患疽不起發脉大而無力發熱作渴自汗盜  
汗用參芪大補之劑益加手足逆冷大便不實喘促時嘔脉  
細微按之如無惟太衝不絕仍以參芪白朮當歸茯苓及  
計觔許加附子五錢水煎二鐘作一服諸證悉退脉息頓復  
翼日瘡起而潰仍用前藥四劑後日用托裏藥調理兩月餘  
而愈

薛按

一婦人於癸卯冬失物發怒缺盆內微腫甲辰春大如覆碗左

肩膊亦腫肉色如故或針出鮮血三碗許腹痛如錐泄瀉不止四肢逆冷嘔吐惡寒或時發熱絕食已七日矣其脈洪大時或微細此陽氣脫陷也用六君加炮薑三錢附子二錢早服至午不應再劑加附子五錢熟睡覺來諸證頓退六七可進稀粥再四劑諸證悉退飲食如故缺盆始痛針出清膿二碗許諸證復至此虛極也以十全大補加薑桂附各一錢三劑而安後減薑附各五分與歸脾湯兼服五十餘劑而愈

薛按

溫補按則 十九

呢出都鄭中翰仲夏患發背已半月瘡頭十餘枚皆如粟許漫腫

整頓權如大盤背重如負石卽隔蒜灸五十餘壯其背頓輕  
彼因輕愈不守禁忌三日後大作瘡不起發但苦作痛用活  
命飲四劑勢少退用香砂六君子湯四劑飲食少進彼待知  
醫自用敗毒藥二劑飲食益少口流涎沫若不自知此脾虛  
之甚也每用托裏藥加參芪各三錢彼密自揀去大半後雖  
用大補藥加薑桂亦不應遂令其子以參芪各一觔歸朮各  
半觔乾薑桂附各一兩煎膏一罐三日飲盡涎頓止腐頓潰  
食頓進再用托裏健脾藥腐肉自脫而愈

下俱詳按

張侍御患背瘡三枚皆如粟彼以爲小毒服清熱化痰藥外用

涼藥敷貼數日尚不起色黯不炊胸中氣不得出入勢甚可  
畏運用活命飲二劑氣雖利膿清稀瘡不起欲用補劑彼泥  
於素有毒火不受參朮之補因其固執遂陽以敗毒之劑與  
視之而陰以參芪歸朮各五錢薑桂各二錢服二劑背覺熱  
腐肉得潰方信余言始明用大補藥乃愈

南都韓姓者時六月患發背腐肉已去瘡口尺許色赤焮腫發  
熱不食欲嘔不嘔服十宣散等藥自爲不起請余決之其脈  
輕診則浮而數重診則弱而澹此潰後之正脈然瘡口開張  
血氣虛也欲嘔不嘔脾胃虛也色赤焮腫虛火之象也尚可

治遂與十全大補湯加酒炒黃柏知母五味交閉及飲薑便  
飲食頗進肌肉頓生服至六劑瘡日收如粟許又惑於人言  
謂餘毒未盡乃服消毒藥二劑復發熱昏瞶急進前藥又二  
十餘劑乃愈後兩月因作善事一晝夜不睡以致勞倦發熱  
似睡不睡與前湯二劑更加發熱飲食不進惟飲熱湯後以  
前藥加附子一錢二劑復愈

高秋官貞甫孟秋發背色黯而硬不痛不起脈沉而細四肢逆  
冷急用大艾隔蒜灸三十餘壯不痛遂用艾如粟大者著肉  
灸七壯乃始知痛與六君子湯二劑每劑入附子二錢不應

後劑又加肉桂二錢始應而愈

一男子脇腫一塊日久不潰按之微痛脉微而瀦此形證俱虛也經曰形氣不足病氣不足當補不當瀉予以人參養營湯治之彼不信乃服流氣飲虛證悉至方服前湯月餘少愈但腫處尚硬以艾葉炒熱熨患處至十餘日膿成以火針刺之更灸以豆鼓餅又服十全大補湯百劑而愈

定痛  
二十

齊氏曰瘡疽之證候不同凡寒熱虛實皆能爲痛故止痛之法

殊非一端世人皆謂乳沒珍貴之藥可任疼痛而不知臨病

制宜自有方法蓋熱毒之痛者以寒涼之藥折其熱而痛自止也寒邪之痛以溫熱之劑熨其寒則痛自除也因風而痛者除其風因濕而痛者導其濕燥而痛者潤之塞而痛者通之虛而痛者補之實而痛者瀉之因膿鬱而閉者開之惡肉侵潰者去之陰陽不和者調之經絡秘澀者利之臨機應變方爲上醫不可執方而無權也

立齋曰瘡瘍之作由六淫七情所傷其痛也因氣血凝滯所致假如熱毒在內便秘而作痛者內疎黃連湯導之熱毒熾盛發腫而作痛者黃連解毒湯治之不應仙方活命飲解之痰

血凝滯而作痛者乳香定痛丸和之作膿而痛者托裏消毒  
散排之膿脹而痛者針之膿潰而痛者補之若因氣虛而痛  
四君加歸芪血虛而痛四物加參芪腎虛而痛六味地黃丸  
口乾作渴小便頻數者加減八味丸此皆止痛之法也慎勿  
藥用寒涼之藥况血氣喜溫而惡寒若冷氣入裏血卽凝滯  
反爲難瘥之證矣丹溪云膿出而反痛此爲虛也宜補之穢  
氣所觸者和解之風寒所逼者溫散之若專用龍竭生肌乳  
幾止痛吾知其必無效也

凡癰毒嫩腫赤痛之甚者雖內治之法已具如前然煎劑功緩

而痛急難當者必須外用數藥既欲其止痛又欲其散毒則無如降癰散之神妙也

生肌收口 附成漏證二十一

陳良甫曰雖疽之毒有淺深故收斂之功有遲速斷不可早用收口之藥恐毒氣未盡後必復發爲患匪輕若癰久不合其肉白而膿少者此氣血俱虛不能潮運而瘡口冷澁也每日用艾葉一把煎湯避風熱洗及燒松香煙薰之或用猪蹄湯洗之更以神異膏貼之必須守禁調理否則不效○又曰脉得寒則下陷凝滯肌肉故曰蓄連肉腠是爲冷漏須溫補之

丹溪曰諸經惟少陽厥陰之生癰者宜須防之以其多氣少血也血生則肌肉難長故瘡久未合必成敗證苟反用驅利毒藥以伐其陰分之血禍不旋踵矣

立齋曰肌肉者脾胃之所主收斂者血氣之所使但當純補脾胃不宜泛敷生肌之劑夫瘡不生肌而色赤甚者血熱也四物加山梔連翹色白而無神者氣虛也四君加當歸黃芪補熱內熱陰血虛也四物加參朮朮水清稀者氣血虛也十全大補湯食少體倦膈氣虛也補中益氣湯煩熱作渴飲食如常胃火也竹葉黃芪湯不應竹葉石膏湯熱渴而小便頻數

腎水虛也。用加減八味丸料煎服。若敗肉去後，新肉微赤，四沿白膜者，此胃中生氣也。但用四君子湯以培補之，則不日自斂。若妄用生肌之藥，餘毒未盡而反益甚耳。殊不知瘡瘍之作，由胃氣不調，瘡瘍之潰，由胃氣腐化，瘡瘍之斂，由胃氣榮養。○東垣云：胃乃發生之源，爲人生之本。丹溪亦謂治瘡瘍當助胃壯氣，使根本堅固。誠哉是言也。可不慎歟。○又曰：若肌肉傷而瘡口不斂，用六君子湯以補脾胃；若氣虛惡寒而瘡口不斂，用補中益氣湯以補脾肺；若血虛發熱而瘡口不斂，用四物參朮以滋肝脾；若膿多而瘡口不斂，用八珍湯

或十全大補湯以養血氣如不應但用四君歸芪以補脾胃  
更不應乃屬命門火衰急用八味丸以壯火生土若脉數發  
渴者難治以真氣虛而邪氣實也○又曰生肌之法當先理  
脾胃助氣血爲主若氣血俱虛不能生者當用托裏之劑若  
有風寒襲於瘡所不能生者宜用豆鼓餅灸之若流注頑瘡  
內有膿管或瘀肉或癰核須用針頭散腐之錠子尤妙如背  
瘡杖瘡湯火瘡大潰當用神效當歸膏則能去腐生新止痛  
大有神效○又曰癰疽潰後毒盡則肉自生常見世之治者  
往往用龍骨血竭之屬以求生肌殊不知餘毒未盡肌肉何

以得生氣血既虛龍竭豈能得效設若膿毒未盡就用生肌  
則反增潰爛壯者輕者不過復潰或遲斂而已怯者重者必  
致內攻或潰爛不斂反致危矣○又曰凡瘡瘍成漏皆因元  
氣不足營氣不從陽氣虛寒則寒氣逆於肉裏稽留血脉腐  
潰既久卽成是患故凡治不足之證於其初患便當內用參  
芪歸朮溫補脾胃外用桑枝葱熨接補陽氣使自消散若久  
而不能成膿亦用前二法補助以速之若膿既成而不潰用  
艾於當頭灸數炷而出之却服十全大補湯患者又當慎起  
居節飲食庶凡收斂若用冷針開刺久而內出清膿外色黑

黷或誤用生肌散速其口歛反束其邪必成敗證

諸瘡患久成漏常有膿水不絕其膿不臭若無反肉者法用炮附子去皮尖爲細末以唾津和爲餅如三錢厚安瘡上以艾炷灸之漏大艾亦大漏小艾亦小但灸令微熱不可令痛乾則易之每灸一二十壯不論灸後貼以膏藥隔二三日又如前再灸更服大補氣血之藥直至肉平爲度或用炮附子切片三分厚灸之亦可或用江西淡豆鼓爲餅多灸之亦效○

若瘡久成漏外有腐肉內有膿管不能收口者以針頭微和作細條縫入口內外用膏藥貼之待膿管盡去自然漸平收

日或先用灸法數日後用此經藥亦可仍內服十全大補等藥

郭氏灸法瘡疽久不收斂及有膿水惡物漸潰根深者用白麩硫黃大蒜三物一處搗爛看瘡大小捻作餅子厚約三分安於瘡上用艾炷灸二十一壯一灸一易後隔四五日用藥錠針頭散等藥縫入瘡內及肉盡去好肉長平然後貼收斂之藥內服應病之劑調理卽瘥矣

一男子年踰二十稟弱左腿外側患毒三月方潰膿水清稀肌肉不生以十全大補湯加牛膝二十餘劑漸愈更以豆鼓餅

灸之月餘而痊○一婦人左臂結核年餘方潰膿清不斂一  
男子患貼骨癱腿細短軟瘡口不合俱用十全大補湯外以  
附子餅及貼補藥膏調護得宜百劑而愈大凡不足之證宜  
大補之劑兼灸以補接陽氣祛散寒邪爲上○京師董賜年  
踰四十胸患瘡成漏日出膿碗許喜飲食如常以十全大補  
湯加貝母遠志白斂續斷灸以附子餅膿漸少謹調護歲餘  
而愈

薛按

用香散藥二十二

伍氏曰氣血聞香則行聞臭則逆大抵瘡瘍多因營氣不從逆

於肉埋故鬱聚爲膿得香散藥則氣流行故當多服五香連翹湯萬金散清心內固金粉散凡瘡本腥穢又聞臭觸則愈甚若毒氣入胃則爲咳逆古人用此可謂有理且如飲食調令香美則益脾土養真元保其無虞矣

立齋曰今人有瘡瘍不審元氣虛實病之表裏病者多喜內消而醫者卽用十宣散及敗毒散流氣飲之類殊不知十宣散雖有參芪然防風白芷厚朴桔梗皆足以耗氣况不分經絡時令氣血多少而槩用之乎敗毒散乃發表之藥果有表證亦止宜一二服多則元氣反損其毒愈盛雖有人參莫能補

也况非裝證而用之乎流氣飲乃耗血之劑果氣結隔滿亦  
止宜二三服多則血氣愈傷夫血氣凝滯多因榮衛氣弱不  
能運行豈可復用流氣飲以益其虛况諸經氣血多寡不同  
而流氣飲通行十二經則諸經皆爲所損反爲敗證雖有芎  
歸亦難倚伏若服之過度則氣虛血耗何以成膿苟不察其  
由而泛投尅伐之劑能無危乎此三藥者其不可輕用亦明  
矣河間云凡瘡止於一經或兼二經者止當求責其經不可  
干擾餘經也

槐花治濕退熱之功最爲神速大抵腫毒非用蒜灸及槐花酒  
先去其勢雖用托裏諸藥其效未必甚速惟胃寒之人不可  
過用

滁州于侍御翳譚患毒痛甚服消毒藥其勢未減卽以槐花酒  
一服勢隨大退再以托裏消毒之藥而愈○王通府患發背  
十餘日勢危詠大先以槐花酒二服殺退其勢更以敗毒散  
二劑再以托裏藥數劑漸潰又用桑柴燃灸患處每日灸長  
入仍以三身藥貼之灸至數次膿潰腐脫以托裏藥加白朮陳  
皮月餘而愈○劉大尹發背六七日滿背腫痛勢甚危與隔

蒜灸百壯飲槐花酒二碗即睡覺以托裏消毒藥十去五六  
令以桑枝灸患處而潰數日而愈○一上舍肩患疽脉數以  
槐花酒二服勢頓退再與金銀花黃芪其草十餘服而平

忍冬酒 二十四

忍冬酒治癰疽發背初發時便當服此不問疽發何處或婦人  
乳癰皆有奇效如或處鄉落貧家服此亦便且效仍兼以麥  
飯石膏及神異膏貼之甚效

一園丁患發背甚厄令取金銀藤五六兩搗爛入熱酒一鐘絞

取酒汁溫服極愈患處四五服而平彼用此藥治瘡足以養

身成家遂棄業諸書云金銀花治瘡瘍未成者即散已成者即潰有回生之功○一男子患腦癱其頭數多痛不可忍先服消毒藥不應更以忍冬酒服之即醉睡覺而勢去六七再四劑而消○又一男子所患尤甚亦令服之腫痛頓退但不能平加以黃芪當歸瓜蒌仁白芷甘草節桔梗數劑而愈○一男子被鬼擊身有青痕作痛以金銀花煎湯飲之即愈本草謂此藥大治五種飛尸此其驗也

腫瘍 二十五

立齋曰腫高焮痛脉浮者邪在表也宜托之○腫硬痛深脉沉

者邪在裏也宜下之○外無焮腫內則便利調和者邪在經絡也當調營衛○焮腫煩躁或咽乾作渴者宜降火○焮腫發熱或拘急或頭痛者邪在表也宜散之○大痛或不痛者邪氣實也隔蒜灸之更用解毒○煩躁飲冷焮痛脈數者邪在上也宜清之○惡寒而不潰者氣虛兼寒邪也宜宣而補之○焮痛發熱汁多大渴使結譫語者結陽證也宜下之○不作膿或熱而不潰者虛也宜補之○又曰大抵癰腫之證不可專泥于火爲患况稟有虛實及老弱不同豈可驟用寒涼之藥設若毒始聚勢不盛者庶可消散尤當推其病因別

其虛實若槩用涼藥必致誤事如膿將成邪盛氣實者用消  
毒之劑先殺其毒雖作膿不爲大苦潰亦不甚苦就川托裏  
必益其勢如膿將成不成及不潰者方用托裏膿成勢盛者  
針之膿一出諸證悉退矣

丹溪曰腫瘍內外皆壅宜以托裏表散爲主如欲用大黃寧無  
孟浪之非潰瘍內外皆虛宜以補接爲主如欲用香散未免  
虛虛之失

愚意前論疔瘍有云忌補宜下者有云禁用大黃者此其爲說  
若異而亦以證有不同耳蓋忌補者忌邪之實也畏攻者畏

氣之虛也卽如腫瘍多實潰瘍多虛此其常也然腫瘍亦多  
不足則有宜補不宜瀉者潰瘍亦或有餘則有宜瀉不宜補  
者此其變也或宜補或宜瀉總在虛實二字然虛實二字最  
多疑似貴有定見如火盛者宜清者也氣滯者宜行者也旣  
熱且壅宜下者也無滯無壅則不宜妄用攻下此用攻之宜  
禁者也至若用補之法亦但察此二者凡氣道壅滯者不宜  
補火邪熾盛者不宜溫若氣道無滯火邪不甚或飲食二便  
清利如常而患有危險可畏者此雖未見虛證或腫瘍未潰  
亦宜卽從托補何也蓋恐困苦日久無損自虛若能預口元

氣則毒必易化膿必易潰口必易斂卽大羸大潰猶可望生  
若必待虛證叠出或旣潰不能收斂而後勉力支持則輕者  
必重重者必危能無晚乎此腫瘍之有不足也所係非細不  
可不察○向予長男生在癸丑及乙卯五月甫及二週而患  
背疽初起時背中忽見微腫數日後按之則根深漸濶其大  
如碗而皮色不變亦不甚痛至十餘日身有微熱其勢滋甚  
因謀之瘍醫或云背疽或云痰氣感曰葷腥溫補一毫不可  
入口乃投以解毒之藥一劑而身反大熱神氣愈困飲食不  
進矣予危懼之甚因思丹溪有云癰疽因積毒在臟腑當先

助胃氣爲主使根本堅固而以行經活血佐之又曰但見腫  
痛黎之脉證虛弱便與滋補氣血無虧可保終吉是誠確論  
也因其而醫而專固元氣以內托其毒遂用人參三錢製附  
子一錢佐以當歸熟地炙甘草肉桂之屬一劑而飲食頓進  
再劑而神采如舊抑何神也由是弛其口腹藥食並進十劑  
而膿成以其根深皮厚復用針出膿甚多調理月餘而愈向  
使傾信庸流絕忌溫補滋味專意解毒則胃氣日竭毒氣日  
陷飲食不進倘致透隔內潰則萬萬不保矣且此兒素無虛  
病何敢乃爾蓋以其旣屬陰證又無實邪見有確真故敢峻